

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 18. stav (5) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), člana 28. Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18, 10/19, 11/19 - isp. i 8/22), člana 25. stav (1) Zakona o plaćama i naknadama policijskih službenika Zeničko-dobojskog kantona („Službene novine Zeničko-dobojskog kantona“, broj: 13/17 i 4/22), člana 30. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Federacije BiH“, broj: 6/20), člana 1. Odluke o prihvatanju Prijedloga Sporazuma o produženju primjene Kolektivnog ugovora za službenike organa uprave i sudske vlasti u Federaciji Bosne i Hercegovine i davanja saglasnosti za potpisivanje Sporazuma („Službene novine Zeničko-dobojskog kantona“, broj: 3/22), člana 37. stav (1) Kolektivnog ugovora za djelatnost osnovnog obrazovanja za teritorij Zeničko-dobojskog kantona („Službene novine Zeničko-dobojskog kantona“, broj: 17/22), člana 37. stav (1) Kolektivnog ugovora za djelatnost srednjeg obrazovanja za teritorij Zeničko-dobojskog kantona („Službene novine Zeničko-dobojskog kantona“, broj: 17/22), člana 37. stav (1) Kolektivnog ugovora za djelatnost visokog obrazovanja za teritorij Zeničko-dobojskog kantona („Službene novine Zeničko-dobojskog kantona“, broj: 20/20 i 17/22), člana 39. Kolektivnog ugovora za policijske službenike u Ministarstvu unutrašnjih poslova Zeničko-dobojskog kantona („Službene novine Zeničko-dobojskog kantona“, broj: 5/22) i člana 15. Uredbe o uslovima, kriterijima i načinu ostvarivanja naknada i drugih materijalnih prava policijskih službenika Zeničko-dobojskog kantona („Službene novine Zeničko-dobojskog kantona“, broj: 10/18 i 10/22), na prijedlog Ministarstva finansija, Vlada Zeničko-dobojskog kantona, na 25. sjednici, održanoj dana 30.06.2023. godine, d o n o s i

ODLUKU

o utvrđivanju visine naknade na ime korištenja godišnjeg odmora (regresa) za 2023. godinu

Član 1.

(Utvrđivanje visine regresa)

(1) Zaposlenicima kantonalnih organa državne službe i drugih budžetskih korisnika Zeničko-dobojskog kantona, utvrđuje se naknada na ime korištenja godišnjeg odmora (regresa) za 2023. godinu u visini od 50% od prosječne neto plaće isplaćene u Federaciji prema posljednjem objavljenom statističkom podatku Federalnog zavoda za statistiku, a što u vrijeme donošenja ove odluke iznosi 616,50 KM (slovima: šeststotinašesnaest i 50/100 konvertibilnih maraka).

(2) Pravo na isplatu regresa imaju zaposlenici iz stava (1) ovog člana koji pravo na regres u 2023. godini ostvare u skladu sa gore navedenim Zakonima o plaćama i naknadama, granskim kolektivnim ugovorima i drugim pozitivnim zakonskim i podzakonskim propisima.

Član 2.

(Izuzete od primjene)

Naknada iz člana 1. ove odluke ne odnosi se na sudije, tužioce i stručne saradnike iz člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije Bosne i Hercegovine“, broj: 72/2005, 22/2009, 27/2012 - odluka US, 55/2013, 102/2013 - autentično tumačenje, 55/2017 - odluka US i 61/2022).

Član 3.
(Realizacija)

Za realizaciju ove odluke zadužuje se Ministarstvo finansija Zeničko-dobojskog kantona.

Član 4.
(Stupanje na snagu)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

PREMIJER

Amra Mehmedić

Broj: 02-11-10516/23

Datum, 30.06.2023. godine

Z e n i c a

DOSTAVLJENO:

1x Ministarstvo finansija,

1x Svim ministarstvima i drugim tijelima kantonalne uprave,

1x “Službene novine Zeničko-dobojskog kantona”,

1x a/a.